

Kasih Jualan (Pantun Empat Kerat)

SOALAN 1-BERDASARKAN PANTUN,JAWAB GAYA BAHASA YANG TERDAPAT DI DALAM PANTUN

Burung kekek burung di hutan,
Terbang naik berlegar-legar;
Mari encik marilah tuan,
Barang baik baru keluar.

Gaya bahasa -

Hari Jumaat pergi memukat,
Orang menangguk ikan di kali;
Minta maaf belum berhajat,
Datang menengok, bukan membeli.

Gaya bahasa -

Empat lima kuda di medan,
Kuda tengkot ke depan juga;
Bukan panglima rupanya tuan,
Makanya takut masuk berniaga.

Gaya bahasa -

Kuda tengkot menang berlumba,
Lompat bertangkup keempat kaki;
Mengapa takut masuk berniaga?
Kurangkah sanggup sifat lelaki.

Gaya bahasa -

Penakut sungguh rupanya ikan,
Umpan di kail lari menepi;
Kedekut sungguh tuan nak makan,
Makanan baik tidak terbeli!

Gaya bahasa -

Kalau mengail ikan tenggiri,
Umpan di taut ikannya bilis;
Makanan baik tidak terbeli,
Sayang takut duitnya habis!

Gaya bahasa -

Air hangat air bertapis,
Tuangkan saya agak secawan;
Sayang sangat duitnya habis,
Kurang tenaga tidak melawan?

Gaya bahasa -

Pasang panjut keliling rumah,
Bunga api di tengah laman;
Bukan kedekut, bukannya lemah,
Cumanya hati belum berkenan.

Gaya bahasa -

Dari Medan ke Sibolga,
Padi di Langkat bawa ke Deli;
Kasih bukan barang berniaga,
Hati tak dapat dijual beli.
Gaya bahasa -

SOALAN 2-

JELASKAN BENTUK PANTUN INI. PILIH JAWAPAN YANG SESUAI.

- i) Puisi ini _____.Puisi ini mempunyai _____.
- ii) Jumlah baris _____ setiap rangkap. Jumlah baris ialah _____serangkap.
- iii) Jumlah patah perkataan sebaris _____.Jumlah patah perkataan sebaris antara _____.
- iv) Rima akhir puisi _____.Rima akhir ialah_____.

SOALAN 3 -NYATAKAN NILAI YANG TERDAPAT DI DALAM PUISI BERDASARKAN PENGAJARAN YANG DIBERIKAN.

- i) Pengajaran – Kita hendaklah bertolak ansur dalam urusan jual beli. Contohnya, peniaga bertolak ansur dalam urusan jual beli.
Nilai - _____
- ii) Kita hendaklah bersopan santun dalam urusan jual beli. Contohnya, pembeli bersopan santun ketika menolak penawaran penjual dengan baik.
Nilai - _____

- iii) Kita mestilah gigih dalam melakukan sesuatu perkara. Contohnya, penjual bersungguh-sungguh menjual barangan mereka.
Nilai - _____